



REPUBLIKA E SHQIPËRISË



REPUBLIKA E SHQIPËRISË
MINISTRIA E ARSIMIT

Nr. 8168/11 Prot. datë 17.12.2025



REPUBLIKA E SHQIPËRISË
MINISTRIA E EKONOMISË
DHE INOVACIONIT

Nr. 2731/2 Prot. datë 08.01.2026

URDHËR I PËRBASHKËT

Nr. 602, datë 17.12.2025

PËR DISA SHTESA DHE NDRYSHIME NË RREGULLOREN PËR ZHVILLIMIN E MATURËS SHTETËRORE NË REPUBLIKËN E SHQIPËRISË

Në mbështetje të nenit 102 të Kushtetutës së Republikës së Shqipërisë, të ligjit nr. 69, datë 21.06.2012 “Për sistemin arsimor parauniversitar në Republikën e Shqipërisë”, i ndryshuar dhe të ligjit nr. 15/2017, datë 16.02.2017 “Për arsimin dhe formimin profesional në Republikën e Shqipërisë”,

URDHËROJMË

- I. Në rregulloren “Për zhvillimin e Maturës Shtetërore në Republikën e Shqipërisë”, të miratuar me urdhrin e përbashkët nr. 661, datë 01.12.2023 të Ministrit përgjegjës për arsimin dhe Ministrit përgjegjës për arsimin profesional “Për miratimin e rregullores për zhvillimin e Maturës Shtetërore në Republikën e Shqipërisë”, i ndryshuar, të bëhen shtesat dhe ndryshimet si më poshtë:
 1. Kudo në rregullore fjalët “*Ministria e Arsimit dhe Sportit*” dhe akronimi “*MAS*” të zëvendësohen me fjalët “*Ministria e Arsimit*” dhe “*MA*”.
 2. Pas pikës 1, të nenit 4, shtohet pika 1/1 me këtë përmbajtje:
“1/1. *Ministria e Ekonomisë dhe Inovacionit*.”.
 3. Në pikën 17, të nenit 6, data “10 korrik” zëvendësohet me datën “9 korrik”.
 4. Pika 4, e nenit 7, ndryshon si vijon:
“4. Dërgon zyrtarisht në QSHA, në DRAP dhe në institucionet e arsimit profesional, si dhe hedh në sistemin e-Matura, dy ditë pas përfundimit të shkollës, listën e maturanëve që nuk

mund të japin provimet e maturës, si rezultat i mospërfundimit me sukses të vitit të fundit të shkollës së mesme.”.

5. Në fund të shkronjës “j” të pikës 2, të nenit 8, shtohet fjalia:
“Kryetari i KSHMSH verifikon listën e nxënësve mbetës në momentin e hyrjes së nxënësve në qendrën e provimit”.
6. Në fund të fjalisë së dytë të pikës 2, të nenit 9, shtohet togfjalëshi, si vijon:
“...dhe e përcjell në QSHA.”.
7. Në pikën 2, të nenit 10, togfjalëshi *“të ministrit të Arsimit dhe Sportit dhe ministrit të Financave dhe Ekonomisë”* zëvendësohet me *“të ministrit përgjegjës për arsimin dhe ministrit përgjegjës për arsimin profesional.”.*
8. Pika 5, e nenit 11, ndryshon si vijon:
“5. Diploma e Maturës Shtetërore dhe Maturës Shtetërore Profesionale lëshohet vetëm një herë. Nga viti 2024 e në vijim, diploma e Maturës Shtetërore gjenerohet përmes sistemit “e-Matura” dhe i dërgohet automatikisht çdo maturanti që përfundon me sukses provimet, në llogarinë personale “e-Albania”, si dhe në adresën e e-mailit të dhënë në formularin A1/A1Z për shtetasit e huaj.”.
9. Pika 2, e nenit 12, ndryshon si vijon:
“2. Testet e Teorisë Profesionale të integruar, për Maturën Shtetërore Profesionale të dorëzohen nga AKAFPK të hartuara, formatuara dhe në format PDF në QSHA. Përgatiten 4 (katër) teste alternative për drejtimet/profilet dhe përzgjidhet vetëm një test për provim.”.
10. Pas pikës 5, të nenit 12, shtohet pika 6 me këtë përmbajtje:
“6. QSHA printon dhe paketon testet e shkollave me seksion dygjuhësh “Shqiptaro-Italian” për lëndët “Gjuhë dhe letërsi italiane, Matematikë italiane, Fizikë italiane dhe Histori italiane”. Testet e këtij seksioni vijnë në zarf dhe elektronikisht nga Ambasada Italiane. Testet e seksionit dygjuhësh “Shqiptaro-Gjerman” për lëndën “matematikë-gjermane”, vijnë të shumëfishuara dhe paketuara në QSHA. QSHA bën vetëm shpërndarjen e tyre.”.
11. Pika 4 e nenit 13, ndryshon si vijon:
“4. Çdo maturant/kandidat do të plotësojë/firmosë në KSHMSH formularin A1/A1Z për saktësinë e të dhënave të tij në sistemin “e-Matura” dhe ky formular ruhet nga KSHMSH-ja deri në përfundimin e vitit shkollor përkatës.”.
12. Pas shkronjës “q”, të pikës 2, të nenit 21, shtohet shkronja “r” më përmbajtjen si vijon:
“r) Përgjegjësi i administrimit të provimit mban përgjegjësi për mospërmbushje të detyrave të përcaktuara në këtë nen, sipas nenit 34 të kësaj rregulloreje.”.
13. Pas shkronjës “r”, të pikës 2, të nenit 22, shtohet shkronja “rr” më përmbajtjen si vijon:

“rr) Administratori i provimit mban përgjegjësi për mospërmbyllje të detyrave të përcaktuara në këtë nen, sipas nenit 34 të kësaj rregulloreje.”.

14. Pas shkronjës “g”, të pikës 3, të nenit 23, shtohet shkronja “gj” më përmbajtjen si vijon:
“gj) Administratori i sekretimit mban përgjegjësi për mospërmbyllje të detyrave të përcaktuara në këtë nen, sipas nenit 34 të kësaj rregulloreje.”.
15. Pas shkronjës “h”, të pikës 2, të nenit 24, shtohet shkronja “i” më përmbajtjen si vijon:
“i) Përgjegjësi i katit mban përgjegjësi për mospërmbyllje të detyrave të përcaktuara në këtë nen, sipas nenit 34 të kësaj rregulloreje.”.
16. Në pikat 2, 5, 6, 6/1 dhe 9, të nenit 27, datat “5 korrik” dhe “10 korrik” zëvendësohen përkatësisht me datat “3 korrik” dhe “9 korrik”.
- II. Ngarkohen për zbatimin e këtij urdhri, Sekretarët e Përgjithshëm në Ministrinë e Arsimit dhe Ministrinë e Ekonomisë dhe Inovacionit, Drejtoria e Përgjithshme e Zhvillimit për Arsimin Parauniversitar, Qendra e Shërbimeve Arsimore, Agjencia e Sigurimit të Cilësisë së Arsimit Parauniversitar, Agjencia Kombëtare e Arsimit Parauniversitar, Drejtoritë Rajonale të Arsimit Parauniversitar, Zyrtat Vendore të Arsimit Parauniversitar, Agjencia Kombëtare për Punësim dhe Aftësi, Agjencia Kombëtare e Arsimit, Formimit Profesional dhe Kualifikimeve dhe Institucionet Arsimore Parauniversitare.

Ky urdhër hyn në fuqi menjëherë dhe botohet në “Fletoren zyrtare”.

MINISTËR
MIRELA KUMBARO FURXHI



MINISTËR
DELINA IBRAHIMAJ

